

რეკომენდაცია 1533 (2001)*

საქართველოს მიერ აღებული მოვალეობებისა და ვალდებულებების შესრულება

არაოფიციალური თარგმანი

1. ასამბლეა ეყრდნობა მის 1257-ე (2001) რეზოლუციას, საქართველოს მიერ მოვალეობებისა და ვალდებულებების შესრულების შესახებ, სადაც იგი:

- i. მიესალმება საქართველოს მიერ ევროპის საბჭოში გაწევრიანებისას (1999 წლის 27 აპრილი) ძალაში შესული რიგი მოვალეობებისა და ვალდებულებების შესრულების მცდელობას, კერძოდ: რამოდენიმე კონვენციის რატიფიცირება, რიგი საკანონმდებლო აქტების მიღება, პენიტენციალური სისტემისა და სამართლის მართვის რეფორმა და კორუფციის წინააღმდეგ მიმართული ზომები;
- ii. მოუწოდებს საქართველოს დააჩქაროს მიმდინარე რეფორმები და განახორციელოს ისინი ევროპის საბჭოს სტანდარტების შესაბამისად, განსაკუთრებით, სამართალწარმოებასა და დაკავების პირობებთან დაკავშირებით;
- iii. მოუწოდებს ქვეყანას გააღრმავოს თანამშრომლობა ევროპის საბჭოსთან იმისათვის, რომ უზრუნველყოს საქართველოს კანონმდებლობის სრული შესაბამისობა ევროპის საბჭოს პრინციპებსა და სტანდარტებთან;
- iv. გამოთქვამს შეშფოთებას ადამიანის უფლებათა პატივისცემასა და პოლიციის და სხვა სამართალდამცავი ორგანოების ქმედებასთან დაკავშირებით და დაჟინებით სთხოვს საქართველოს ხელისუფლებას, მიღებულ იქნას რადიკალური ზომები, რათა ქვეყანა სრულ თანაფარდობაში მოვიდეს ევროპის საბჭოს პრინციპებთან და სტანდარტებთან;
- v. მიესალმება 2000 წლის აპრილში აჭარისათვის ავტონომიური სტატუსის მინიჭების საკითხში მიღწეულ პროგრესს და გამოთქვამს წუხილს მასზე, რომ არანაირი რეალური წინსვლა არ შეიმჩნევა სამხრეთ ოსეთისა და აფხაზეთის კონფლიქტების პოლიტიკური გზებით მოგვარებისა და იძულებით გადაადგილებულ ყველა პირთა აფხაზეთში დაბრუნების საკითხებში;

* 2001 წლის 25 სექტემბრის ასამბლეის დებატი (26-ე სხდომა) (იხ. დოკ. 19191, ევროპის საბჭოს წევრთა მიერ მოვალეობებისა და ვალდებულებების შესრულების შესახებ კომიტეტის ანგარიში, მომხსენებლები: ბატონი დიანა და ბატონი იორში). ასამბლეის მიერ ტექსტი მიღებულ იქნა 2001 წლის 25 სექტემბერს (26-ე სხდომაზე).

- vi. ასკვნის, რომ საქართველო, როგორც ევროპის საბჭოს წევრი ქვეყანა, ჯერ კიდევ შორსაა მოვალეობებისა და ვალდებულებების შესრულებისაგან და იღებს გადაწყვეტილებას, განაგრძოს სამონიტორინგო პროცედურები;

2. ასამბლეა რეკომენდაციას უწევს მინისტრთა კომიტეტს, რათა განაგრძოს თანამშრომლობა საქართველოს ხელისუფლებასთან ისეთ სფეროებში, როგორებიცაა:

- i. რიგი ახლადმიღებული კანონპროექტის მათ შორის, კანონპროექტები, პოლიციის, პროკურატურისა და ალტერნატიული დასჯის შესახებ, სამართლებრივი ექსპერტიზა;
- ii. ახლადმიღებული კანონმდებლობის სამართლებრივი ექსპერტიზა, მათ შორის, სისხლის სამართლის საპროცესო კოდექსის შესწორებული ვარიანტი;
- iii. სისხლის სამართლის პროცედურების, პროკურატურის როლის, პოლიციის მიერ დაპატიმრების, საქმის წინასწარი გამოძიებისა და წინასწარი დაკავების შესახებ ევროპის საბჭოს ექსპერტთა მიერ გაკეთებულ რეკომენდაციათა განხორციელება;
- iv. 2001 წლის მაისში განხორციელებული ვიზიტის დროს, წამებისა და არაადამიანური ან დამამცირებელი მოპყრობის თავიდან აცილების ან დასჯის შესახებ ევროპული კომიტეტის მიერ გაკეთებულ რეკომენდაციათა განხორციელება;
- v. „40-იან წლებში, საბჭოთა რეჟიმის მიერ საქართველოდან დეპორტირებული პირების რეპატრიაციის შესახებ“ კანონპროექტის სამართლებრივი ექსპერტიზის გაგრძელება;

3. ასამბლეა ასევე მოუწოდებს მინისტრთა კომიტეტს განხილულ იქნას საქართველოს ხელისუფლებასთან თანამშრომლობის გაძლიერება შემდეგ საკითხებთან მიმართებით:

- i. გენეცის კომისიამ (ევროპული კომისია დემოკრატიისათვის სამართლის მეშვეობით) ჩაატაროს ახლადმიღებული საარჩევნო კოდექსის ექსპერტიზა, რათა დადასტურდეს, რომ ამჟამინდელი საარჩევნო კანონმდებლობა სრულად ითვალისწინებს არჩევნებზე დაკვირვების საპარლამენტო ასამბლეის სპეციალური კომიტეტისა და ეუთოს დემოკრატიულ ინსტიტუტთა და ადამიანის უფლებათა ოფისის (ODIHR) მიერ 1999 წელს გაკეთებულ რეკომენდაციებს;
- ii. ევროპის ადგილობრივ და რეგიონულ ხელისუფლებათა კონგრესის მიერ 1999 წელს გაწეული რეკომენდაციების განხორციელება საქართველოში ადგილობრივი და რეგიონული თვითმმართველობის გასაძლიერებლად და სამართლებრივი ექსპერტიზა იმ კანონისა, რომელსაც შესწორებები შეაქვს ადგილობრივი თვითმმართველობის კანონში;
- iii. მომავალი ადგილობრივი არჩევნების მომზადებასა და მონიტორინგში თანადგომა;

iv. ელექტრონული მედიის შესახებ სამომავლოდ შესამუშავებელი კანონპროექტის
ექსპერტიზა.